

თერჯოლის მუნიციპალიტეტში რეგისტრირებულ ახალშობილთა ოჯახების ფინანსური დახმარების  
2022 წლის პროგრამა

**მუხლი 1. ზოგადი დებულებები**

1. პროგრამის სახელწოდება: თერჯოლის მუნიციპალიტეტში რეგისტრირებულ ახალშობილთა ოჯახების ფინანსური დახმარების პროგრამა.
2. პროგრამის დაწყების და დამთავრების თარიღი: 01 იანვარი 2022 წელი – 31 დეკემბერი 2022 წელი.
3. პროგრამის ბიუჯეტი: 40 000 (ორმოცი ათასი) ლარი.
4. პროგრამის დაფინანსების წყარო: თერჯოლის მუნიციპალიტეტის 2022 წლის ბიუჯეტი.
5. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

**მუხლი 2. პროგრამის მიზანი;**

თერჯოლის მუნიციპალიტეტში რეგისტრირებულ ახალშობილთა ოჯახების მატერიალური დახმარების გაწევა.

**მუხლი 3. პროგრამით მოსარგებლე პირთა კატეგორია:**

პროგრამით მოსარგებლე პირთა კატეგორიაა ახალშობილთა ოჯახები (მშობლები), რომლებიც აკმაყოფილებენ ამ მუხლის მოთხოვნებს და განცხადების წარმოდგენის დროისათვის კანონმდებლობის შესაბამისად რეგისტრირებულნი არიან თერჯოლის მუნიციპალიტეტში, კერძოდ:

- ა) ბავშვის მშობლები, რომლებიც განცხადების დაწერის დროისათვის რეგისტრირებულნი არიან თერჯოლის მუნიციპალიტეტში;
- ბ) მარტოხელა მშობელი (დედა ან მამა), რომელიც განცხადების დაწერის დროისათვის რეგისტრირებულია თერჯოლის მუნიციპალიტეტში.

**მუხლი 4. მუნიციპალიტეტში წარსადგენი დოკუმენტაცია, დახმარების ოდენობა:**

1. ამ პროგრამით განსაზღვრულ ოჯახებს ფინანსური დახმარება მიეცემათ თითოეულ ახალშობილზე ერთჯერადად, შემდეგი ოდენობით:
  - ა) პირველ და მეორე ახალშობილზე 200 (ორასი) ლარი;
  - ბ) მესამე ახალშობილზე 250 (ორასორმოცდაათი) ლარი;
  - გ) მეოთხე, მეხუთე და ა.შ. ახალშობილზე 300 (სამასი) ლარი.
  - დ) ტყუპების შემთხვევაში 600 (ექვსასი) ლარი;
2. ახალშობილთა ოჯახებზე ფინანსური დახმარება გაიცემა განცხადების საფუძველზე, რომელსაც ერთ-ერთი მშობელი წარუდგენს მუნიციპალიტეტის მერიას ბავშვის დაბადებიდან არაუგვიანეს ერთი წლის ვადაში.
3. განცხადებას თან უნდა დაერთოს შემდეგი დოკუმენტაცია:
  - ა) ბავშვის დაბადების მოწმობის ასლი (ტყუპების შემთხვევაში-ასლები);
  - ბ) მშობლების პირადობის მოწმობის ასლები;
  - გ) ამ პროგრამის მე-4 მუხლის პირველ პუნქტის „ბ“ და „გ“ ქვეპუნქტებით გათვალისწინებულ შემთხვევაში, დამატებით მრავალშვილიანობის დამადასტურებელი დოკუმენტი (თითოეული ბავშვის დაბადების მოწმობის ასლი).
  - დ) განმცხადებლის ანგარიშის ნომერი ბანკიდან.

მუხლი 5.ახალშობილთა ოჯახებზე ფინანსური დახმარების გაცემის წესი:

- 1.თერჯოლის მუნიციპალიტეტის მერიაში წარდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური და თანდართული დოკუმენტაციის პროგრამასთან შესაბამისობის დადგენის შემდეგ ამზადებს მერიის ბრძანების პროექტს.
2. მუნიციპალიტეტის მერიის ბრძანების გამოცემის შემდეგ თანხის გაცემას უზრუნველყოფს მუნიციპალიტეტის მერიის საფინანსო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

თერჯოლის მუნიციპალიტეტის საკრებულოს  
თავმჯდომარე გიორგი ბარათაშვილი

